

道門科範大全集卷之二十二

廣成先生杜光庭剛定

文昌注祿道場儀

晚朝行道

法事陞壇如式

都講舉各禮師存念如法

高功宣衛靈呪

五星高耀 瑞氣飛浮 元始集神 天地交周

玉符寶節 嘯命微幽 擲火揚威 奸凶無留

萬魔振伏 紛葩却消 摧怪滅惡 道炁周流

神光照夜 陰翳俱收 萬神降格 扇景乘颺

群生咸遂 惠遍神州 和與道合真

鳴法鼓二十四通

高功發爐

無上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍香金童傳言散花玉女五

帝直符直日香官各三十六人出出者嚴裝

顯服冠帶垂纓關啓玄壇土地方域神真臣

今靜夜陞壇行道謹奏為入意其諸忱悃已

錄告聞願得

太上十方至真道炁靈寶瑞光下降流入臣

等身中令臣所啓之誠速達徑御

至真無極大道

三清上聖

昊天玉皇上帝 御前

請稱法位

具位臣某與合壇官眾等謹同誠上啓

太上虛元自然元始天尊次啓九天上帝三

十六天天帝三十二天天帝諸天上帝紫微

太微垣帝座星君五帝三元上真三十六部

尊經玄中大法師十一大曜星君北斗南辰

星君二十八宿星君東壁文章星君七星賢

良真君十二官神真君文昌星君三台星君

進賢星君少衆星真君圓穹星宿真君上清

太微南朱文昌真人太上九氣文昌宮仙官

建生星斗真君青城山九天丈人真君潛山

九天司命真君廬山九天採訪使者真君五

嶽聖帝四瀆源王司祿主者職貢舉真君英

顯武烈忠祐廣濟王貢舉掌籍考校官屬道

德應感一切真靈臣聞混元立道納品彙於

洪鈞列聖分司輔陶成之大德森羅列宿下

應中華紫微太微則主張於賢能南極北極

則注擬於爵祿東壁實圖書之府南星列賢

良之官貴賤有司壽命有局總轄係天中之

宰贊行則地上之神泰山兼官職之曹七曲

持貢舉之柄高卑玄用網紀交參登庸俊良

輔翊邦政見天人之迭應知幽顯之相資格

太和於生靈用潛扶於梵氣豈特屬皇朝之

重典抑亦為上帝之玄機樞官某叨大道之

陶甄荷明神之賡祐冀成名於當世庶行已

於盛時上報洪恩下據素志仗霞衣之淨侶

開靈爰於靈壇洗心棲神祈天請命臣致身

真宇闡教人間當關達於齋檮式廣宣於慈

澤況奉精款敢不上聞靜夜詞誠謹當宣奏

宣詞

諦觀詞語灼見至誠所以告真者曲盡其方

寸之勤所以獲祐者必應其祈求之願續瞻

芬馥俯鑿精虔注想彌深仰祈昭鑒巨聞太

清演教貴虛靜以為心尼父宣猷本中庸而

率性翕玄風於柱下傳奧旨於珠濱惟皇天  
未喪斯文致聖道不斷如帶隆茲至教允屬  
明君以今靜夜陞壇行道請法眾等運茲初  
捨上香願此香煙騰空徑上供養

洞真自然元始天尊洞玄大道玉宸道君洞

神大道混元老君太上昊天玉皇上帝一切

明皇道君臣等皈身皈神皈命首體投地以  
是捨香功德上祝

當今皇帝伏願一德彌隆皇極永建默首悉

沾於化雨青衿咸沐於教風耳目股肱俱星

辰之鍾秀左右前後皆嶽瀆之降神壽齊箕

翼之遐福等岡陵之固今故燒香自皈依

道尊大聖眾至真之德得道之後保天長存

和與道合真

臣聞寶珠垂黍敷妙法以難思玉局傳經演

真詮之至正耀先天之法炬燭群品之迷途

眷茲入道以超凡必念此身之所本以今靜

夜陞壇行道請法眾等運茲二捨上香願此

香煙騰空徑上供養

虛无三境至尊昊天玉皇上帝一切明皇道

君臣等皈身皈神皈命首體投地以是捨香  
功德歸流醮官某家九玄七祖歷世宗祧伏  
願罪業冰消性根月朗逍遙三界之境遨遊  
士寶之林垂福祿於後昆單榮光於來裔見  
在尊親同霑利樂伏願真元愈固永延南極

之齡福祉駢臻長荷太清之蔭今故燒香自

皈依

經尊大聖眾至真之德得道之後永保長存

和與道合真

臣聞鋪張道妙必資德道之上真敷暢玄風

允賴重玄之至聖察群倫之根品應凡俗之

純誠位間天人理通幽顯以今靜夜陞壇行

道請法眾等運茲三捨上香願此香煙騰空

徑上供養

道經師寶天尊昊天玉皇上帝一切明皇道

君臣等皈身皈神皈命首體投地以是捨香

功德歸流醮官某等伏願恩覃六趣澤及四

生萬靈共慶於三登四海悉臻於五福升法

橋於道岸咸免輪迴頒符命於幽扃普蒙開

度伏願醮官某惡緣斷絕善果圓成或寸長

之可書俾榮名之成遂庶推廣濟仰答陶甄  
今故燒香自皈依  
師尊大聖眾至真之德得道之後永保長存  
和與道合真

唱方 懺方 命魔 三啓 三禮

重稱法位

具位臣某與合壇官眾等謹同誠上啓

太上无極大道三境至尊昊天玉皇上帝十

方大聖三十六部等經玄中大法師靈寶眾

真五帝三官圓穹玄象天曹一切靈仙洞天

嶽瀆聖眾司祿主者職貢舉真君掌籍考校

官屬道德應感一切真靈臣聞皇天無親惟

善人之是與明道若昧貴上士之勤行金口

所傳瓊編攸著是知成己以成物率本於誠

明有德必有言寔由於操履蓋士之學也爲

道而道之傳也以文儻行有餘而學文則文

不浮於實行惟文行之兩勝宜事業之有光

斯古今以得賢爲難而明哲以知人爲病諒

高真之所祐必文行之相符醮官某爲儒家

者流學聖人之道質性昏塞操守卑凡知道

之在我而見之不明知行之難成而行之不力耗耳目以逐末弊精神而背真致黑簿之多愆歎雲程之尚阻今則皈依

大道自悔前非復百行以無矜存一真而克己以為干祿之本以為事天之儀仰冀真慈

俾諸志願錫以超騰之翼啓其經濟之圖臣

恭謹為考仙範於琅函露天章之雲篆關申

三界懺謝十方注想陳詞依時行道燈然法

炬燭昏暗以流光香達誠衷徹虛无而昭格

伏願玄都紫府金闕玉京萬聖垂覆祐之慈

○千真播護持之澤勅下三境普告諸天降福

延齡除災滅障上解宿曜十二次舍之厄下

穰九宮八卦分野之災一切積殃無邊重謹

前寃往債故殺誤傷三業六根縱溢過犯因

今懺悔咸乞蕩除使冀科名早諧利達上願

聖祚享無疆之曆皇圖膺不拔之基兵革不

興邊烽罷徹早蝗不作休徵來臻俯冀七祖

超升九幽罷對五苦齊登於道岸三途俱沐

於玄風大需恩光普均品彙上明

天尊大慈之澤下副臣等歸命之誠謹啟以

聞

知磬舉十二願

舉存神燒香

高功復爐

香官使者左右龍虎君侍香諸靈官當令臣

向來靜夜陞壇行道之所自然生金液丹碧

芝英百靈眾真交會在此香火爐前當願十

方仙童玉女接待蘭煙傳臣向來所啓之誠

速達徑御

至真无極大道

○三清上聖

昊天玉皇上帝 御前

舉出堂頌 正一 出戶

引至六幕堂

道門科範大全集卷之二十二

道門科範大全集卷之二十三二十四 舍九

廣成先生杜光庭剛定

文昌注祿拜章道場儀

祝神行道

法事陞壇如式

舉各禮師存念如法

高功宣衛靈呪

五星列照煥明五方 水星却災 木德致昌

榮感消禍 太白辟兵 鎮星四據 家國利亨

名刊玉簡 字錄帝房 乘飈散景 飛騰太空

○出入冥無 遊宴十方 五雲浮蓋 招神攝風

役使萬靈 上衛仙翁 和與道合具

鳴法鼓二十四通

高功發爐

無上三天玄元始三炁太上五靈老君召出

臣等身中三五功曹左右官使者左右捧香

驛龍騎吏侍香金童傳言散花玉女五帝直

符直日香官各三十六人出出者嚴裝顯服

冠帶垂纓闕落玄壇土地方域神真臣今陞

壇行道謹奏為入意其諸忱悃已錄告聞願